

ዮናኦ ዓይያ ካር

ጾሱ ማሊያ ከኤዜ ዮናኦ ማጻሕፍት ጾሱ ዓይሄ ባኮ ዋይዞ ዒዳ፣ ዮናኦይዳ ሄሌ ሜቶ ሃይሴ ከኤዛያ ማዒያና ሃንጎ ጾሱ ማሊያ ከኤዛ ማጻሕፍት ዲማዳያኩ። ጾሱ ዒማና፡- «ዒሰራዔሌሌ ዓሶኮ ሞርኬ ማዒ ናንጋ፣ ዴኤፖ ዓሶኦሪ ካኦት ካኦታዲ ዴዒ ዋይሃ ኔኔዌ ካታሞ ዴንዴ!» ጌይ ዮናኦ ዓይሄኔ፤ ዮናኦ ጋዓንቴ፡- «ጾሱ ካታሜሎ <ባይዛንዳኔ> ጌይ ዶዲሺ ከኤዜ ጎይያ ማዲንዲዋሴ» ጌይ ማሌሢር ጾሱኮ ኪኦቶ ዔኪ ኔኔዌ ዴንዳኒ ኮይባኦሴ።

ዬካፓ ሚርጌ ባኦዚ ዒዛና ካኦሚም ናሽኪባኦያ ጾሱም ከኦቲንቴ ኔኔዌ ዴንዳዛ ጾሱ ጌዔ ጎይያ ማዲባኦሢር ዒዚ ዲጋዴ። ማጻኦፔላ፡- ማዢንቴ ባኮ ቢያይዳ ጾሱኮ ቢታንቶ ዓኦሢ ከኤዛኔ፤ ዬያ ለሌቱዋንቴ ጾሱ ዓሰ ናሽካያና ማኦራ ጎዳ ማዒያና ፔ ዴርኮ ሞርኮይዳ ሜቶ ዓገ ዔያቶ ባይዚያይዳፓ ዔያቶም ዓቶም ጋዓንና ዓውሳኒ ናሽካሢ ከኤዛኔ።

ማጻኦፔላ ዲማ ዲማ ዓርቄ ባኮ

- ናንገና ናንጋ ጎዳ ቤርታፓ ዮናኦ ዓኦሽንታኒ ማሌሢ (1:1-17)
- ዮናኦ ናንገና ናንጋ ጎዳ ሺኦቄ ሺኦዲያ (2:1-10)
- ዮናኦኮኮ ኔኔዌ ዓኦዲያና ዴርኮዋ ጎሞ ቡኡዲያ (3:1-10)
- ዴር ጾሱ ማኦሪሚር ዮናኦኮኮ ዳጎ (4:1-11)

ዮናኦ ናንገና ናንጋ ጎዳም ዓይሢንቶ ዒዳሢ

1 ናንገና ናንጋ ጎዳ ዓሚታዬ ናኦዚ፣ ዮናኦም ፔጋሲ ከኤዜ ቃኦላ ያዲኩ፡-

2 «ሃሢ ዔቁጋፓ ዴኤፖ ካታሜሎ፣ ኔኔዌ ዓኦዴ፤ ታኦኒ ዒኦካ ናንጋ ዴርኮ ፑርቱሞ ዛጌኔ፤ ዒኦካ ዴንዳያ ዒላቴ ከኤዜ» ጌዔኔ።

3 ዮናኦ ጋዓንቴ ናንገና ናንጋ ጎዳ ቤርታፓ ፑናኒ ማሊ ቱርሴሴ ካታሞ ዴንዳኒ ዔቄኔ፤ ዒዚ ዒማና ዒዮዴ ከዲ ዒኦና ጌይ ቱርሴሴ ዓኦዳ ዋኦሢ ካኦሚሌ ዴንቄኔ፤ ዬካፓ ዬያ ዋኦያ ካኦሚሎም ኮይጎ ሚኦሽ ጨገ፣ ዋኦያ ካኦሚሎይዳ ጌሌኔ፤ ዒዚ ዬያይዳሢ ናንገና ናንጋ ጎዳፓ ፑናኒ ማሊኩ።

1:1 2ካኦቶ. ማ 14:25።

4 ናንጊና ናንጋ ጎዳ ጋዓንቴ ባዘይዳ ዳኤፒ ጉዳ ዠባሬ ዔቁሴኔ፤ ዩይ ባዘይዳ ዔቁ ጉዳሢ ዠባሬ ሚርጌ ዎልቃዳያ ማዔሢር ዎአያ ካአሚላ ማቃኒ ዑኩኔ፤

5 ዒማና ዎአያ ካአሚሎይዳ ዓአዳ ዓሳ ኮሺ ዒጊጤሢር ፔቴ ፔቴሢ ፔኤኮ ፆኦዛ ዔያቶ ማአዳንዳጉዲ ዒላቴኔ፤ ሃሣ ዎአያ ካአሚሎኮ ጤአና ሸሌዒሳኒ ጋርይዳ ዓአ ባኮ ዔኪ ዔኪ ባዘይዳ ኬኤሬኔ፤ ዮናአሴ ጋዓንቴ ዎአያ ካአሚሎኮ ጋራ ሊካ ዴማ ዓአ ቆልዓ ጋርካ ጌሊ ላሂ ሃሃይቁጉዲ ጊንዔኔ።

6 ዎአያ ካአሚሎ ሱኡጋሢ ዒ ዓአ ቤዘ ሙካዎ፡- «ዎይቲ ኔ ጊንዓይ? ዔቁጋፓ ኔ ፆኦዛሢ ሸኢቁ፤ ጎዎንቴ ዒ ኑና ሚጤጊጎቴ ኑ ሸምፓሢ ዓውሳንዳያ ናንዳኔ» ጌዔኔ።

7 ዎአያ ካአሚሎ ጋራ ዓአ ዓሳ ቢያ ዎሊ ኮይላ፡- «ሃያጉዴ ማታሢዳ ኑ ኬዴሢ ዎ ዘላና ማዔቴያ ዔራኒ ዒፃ ኑ ዓጎም፣ ሃኒ ዩውዎቴ» ጌዔኔ። ዩካፓ ዔያታ ዒፃሢ ዓጋዛ ዩና ዓጎና ባካ ዮናአሴሲ ማዒ ጴዳኔ።

8 ዩያር ዔያታ ዮናአሴ ኮራ፡- «ሂንዳ ኑኡም ኬኤዜ! ሃይ ፑርቶ ባካ ቢያ ኑና ሄሊሢ ዎ ዘላና ኔኤም ማላይ? ኔ ዓይጎ ማዳ ዓሲዳይ? ኔኤኒ ዓንካፓ ሙኩይ? ዓጤ ኔኤኮ ዎካዳይ? ኔ ዓይጎ ዓሲዳይ?» ጌዔኔ።

9 ዮናአሴ ዒማና፡- «ታኣኒ ዔብሬ ዓሲኬ፤ ሳዎንታ ባዘንታ ማዠ፣ ጤሪንጮኮዎ ፆኦሲ ማዔ ናንጊና ናንጋ ጎዳ ታኣኒ ካአሸካኔ» ጌዔኔ።

10 ቤርታ ዔያቶም ዒ ኬኤዜያታሢር ዮናአሴ ናንጊና ናንጋ ጎዳ ቤርታፓ ፑኒ ዓአዳያ ማዔሢ ዔያታ ዔሬኔ፤ ዩያር ሚርጌና ዔያታ ዒጊጤዎ፡- «ሃይ ኔ ዓይጎ ማዶ ማዳይ?» ጌዔኔ።

11 ባዘ ጉዳሢ ደዲ ደዲ ዓአዳሢር ዎአያ ካአሚሎይዳ ዓአ ዓሳ፡- «ሃይ ዎአያ ዴቻ ጉዳሢ ዠባሬ ዚቲ ጋዓንዳጉዲ ኔና ኑ ዎዴቴ ኮሸካንዳይ?» ጌይ ፆኦጤኔ።

12 ዮናአሴ ማሃዎ፡- «ሃይ ዎአያ ዴቻ ጉዳሢ ዒንሢ ሄሊሢ ታ ዳቢንቶርታሢ ታ ዔራኔ፤ ዩያር ታና ዔኪ ባዘይዳ ዓጉዎቴ፤ ዩካፓ ሃይ ዎአያ ጉዳሢ ዚቲ ጋዓንዳኔ» ጌዔኔ።

13 ዎአያ ካአሚሎይዳ ዓአ ዓሳ ዔያቶም ዳንዳዒንቴ ጎይዎጉዴያ ዎአያ ካአሚሎ ዒሺ ዔኪ ባዘ ዓጮ ሄሊሳኒ ማሌኔ፤ ጋዓንቴ ዩይ ዎአያ ዴቻ ጉዳሢ ዑሣ ዓአዳ ደዴሢር ዔያታ ዩያይዳኒ ዳንዳዒባአሴ።

14 ዩያር፡- «ናንጊና ናንጋ ጎዳ ማዔ ኑ ፆኦዛሢዮ! ሃያ ዓሢ ኑ ዎዳኔ ጌይ ኑና ባይዚፓ፤ ኔ ማሌ ባኮ ማዳሢር ኑኡኒ ጌኤሺ ዓሲ

ዎዴያ ማሂ ኑና ፓይዲፖ!» ጌይ ናንጊና ናንጋ ጎዳ ዔያቶ ማአደም
ዒላቲኔ።

15 ዩካፓ ዮናአሴ ዔያታ ዔኪ ባዘይዳ ኬኤሬም፥ ባዘ ጉዳሂ ዚቲ
ጌዔኔ።

16 ዓሳ ዒማና ናንጊና ናንጋ ጎዳ ኮሺ ዒጊጨሚር ናንጊና ናንጋ
ጎዳም ዒጊጎ ባኣዚ ሺኢሺኔ፤ ናአቢያ ናአቤኔ።

17 ዒማና ፔቲ ዴኤፒ ሞላ ዮናአሴ ዔኤዳንዳጉዲ ናንጊና ናንጋ
ጎዳ ዓይሄኔ፤ ዩያር ዮናአሴ ሞላሂ ጎጶይዳ ሃይሦ ሮኦሪና ዋንቴና
ዴዔኔ።

2

ዮናአሴ ሺኢቁ ሺኢዲያ

1 ዮናአሴ ሞላሂ ጎጶይዳ ዓኣዎ ሂዚ ጌይ ናንጊና ናንጋ ጎዳ ማዔ
ፔ ያኦዛሂ ሺኢቁኔ፡-

2 «ናንጊና ናንጋ ጎዳሂዮ! ታኣኒ ሜታዲ ዓኣዎ ኔና ዔኤሌኔ፤
ኔኤኒያ ታኣም ዩሄኔ፤

ኔኤኒ ታና ማአደንጎ ጌይ ሃይቁ ዓሶ ዓጮ፥ ዔቶይዳ ዓኣዎ
ኔ ዓውጎንዳጉዲ ታኣኒ ዒላቲኔ፤

ኔኤኒያ ታኣም ዋይዜኔ።

3 ኮሺ ዔታዲ ባዘኮ ዴሞይዳ ኔኤኒ ታና ኬኤሬኔ፤
ኮይላ ታኣኮ ዋኣሂ ሌሊ ማዔኔ፤

ኔኤኮ ዴቸንታ ዋኣዎና ባዘ ጉዳሂና ታኣኮ ዑሂና ዓኣዴኔ።

4 ኔ ዓኣፓፓ ታኣኒ ኬኤሪንቲ ባይቁኔ፤
ያዲ ማዔቲያ ኔኤኮ ጌኤዦ ማኣር ላማ ታኣኒ ዛጋኔ።

5 ዋኣዎ ታኣኮ ሆሎ ሂላንዳኣና
ዴኤፖ ባዘ ዋኣዎኣ ጋፒሲ ታና ዔኤዴኔ፤

ዴኤፖ ባዘይዳ ባቃሊ ዓኣ ማኣታ ቶኦኮ ታኣኮ ማሬኔ።

6 ሊካ ዲኮኮ ዴሞ ታኣኒ ኬዴኔ፤
ዩያኮዎ ዴማ ዓኣ ሳዎ ዴማ
ናንጊና ታኣኒ ካራ ዎዲንቴም ዴዔኔ፤

ኔኤኒ ጋዓንቴ ናንጊና ናንጋ ጎዳ ማዔ ታ ያኦዛሂዮ!
ዩያ ዋኣዎ ዔቶይዳፓ ኬሲ ዔኪ ሺምፓሂ ታኣኮ ዓውሴኔ።

7 ታኣኒ ሃይቁያ ታኣም ማሌ ዎደና
ናንጊና ናንጋ ጎዳ ታኣኒ ማሊ ጶቁሄኔ፤

ኔና ታኣኮ ያኦዛሂ ታኣኒ ሺኢቁኔ፤
ሺኢቁያ ታኣሲ ኔኤኮ ጌኤዦ ማኣርይዳ ኔ ዋይዜኔ።

1:17 ማተ. 12:40።

- 8 ሉኡዚ ማዔ ጾኦዞ ካኣሽካ ዓሳ ቢያ ኔኤም ጉሙርቁንታያ ማዒያ ሃሼኔ።
- 9 ዳቁሻሢ ናንጊና ናንጋ ጎዳታሢሮ ታኣኒ ጋላታ ዓይኑሞና ዎላ ዒንጎ ባኣዚያ ሺኢሻንዳኔ፤ ዒዛሞ ታኣኒ ናኣቤ ባኮሞ ዒንጋንዳኔ።»
- 10 ዬካፓ ናንጊና ናንጋ ጎዳ ዓይሢም ሞላሢ ዮናአሴ ዔኪ ከሲ ባዞ ዓጫ ጮኣሽኬኔ።

3

ዮናአሴ ናንጊና ናንጋ ጎዳም ዓይሢንቲሢ

- 1 ናንጊና ናንጋ ጎዳ ለሚ ዮናአሴም፡-
- 2 «ሃሢ ዔቁ ዳኤፖ ካታሜሎ ኔኔዌ ዓኣዲጋፓ ታ ኔኤም ከኤዛ ቃኣሎ ዳሮም ዑኡዞ ዳጊዲ ከኤዜ» ጌዔኔ።
- 3 ዬያሮ ዮናአሴ ናንጊና ናንጋ ጎዳም ዓይሢንቲ ኔኔዌ ካታሞ ዓኣዳኔ፤ ኔኔዌ ካታማ ኮሺ ዳኤፒታሢሮ ካራፓጋፖ ሄላኒ ሃይሃ ከሊ ሃንቲንታያከ።
- 4 ዮናአሴ ዒማና ካታሜሎ ጌሊ ሃንቲያ ዓርቁኔ፤ ዒዚ ፔቲ ከሊ ሃንቲሰካፓ፡- «ኔኔዌ ያይዲታሚ ከሊ ጋርካ ሻሂንቲ ዶዒ ባይቃንዳኔ!» ጌይ ዒላቲ ከኤዜኔ።
- 5 ዒማና ኔኔዌ ዳራ ጾኦሲ ጌዔ ባኮ ጉሙርቁኔ፤ ዬካፓ ሙኡዚ ሃሻንዳ ከሊያ ሜንሣኔ፤ ዔያቶኮ ዳኤፖ ጌይንታ ዓሶፓ ዳንዲ ዳኮ ሄላንዳኣና ቢያሢ ሲዬ ፓቲሌ ማይንቲኔ።
- 6 ዬያ ባኮ ኔኔዌ ካኣቲ ዎይዛያ ዒ ዳዔ ያይታፓ ከዲ፣ ካኣቲሞ ማኣዓሢ ላኣሚ ሲዬ ፓቲሌ ማይንቲ ሳዓ ሲላሎይዳ ዳዔኔ።
- 7 ዬካፓ ኔኔዌ ዳሮም፡- «ዓይጎ ዓሲያ ማዶም ቆልሞታቲያ ባይ፣ ማራይ ፔቲታያ ዔኤቢ ሙዶፓ፤ ዎኣሢያ ዑሽኮፓ፤
- 8 ዓሶንታ ቆልሞንታ ቢያ ሲዬ ፓቲሌ ማይንቶንጎ፤ ፔቲ ፔቲ ዓሳ ጾኦሲ ማኣዳንዳጉዲ ዒናፓ ሺኢቆንጎ፤ ፑርቶ ማሊያና ጌሮ ማዶሞ ሃሾንጎ።
- 9 ኦኡኒ ባይሲንቶፓ ቶሊ ዓታንዳጉዲ ጾኦሲ ሚጨንቲ ሃያ ዒጊቻ ፑርቶ ባኮ ኑጊዳ ሄሊሱሞ ዳጎ ፔኤኮ ሃሻንዳኣናንዳኔ፤ ሃያ ከኢቶ ካኣቲና ዒዛና ዎላ ማዳ ሱኡጎና ዳኬያከ» ጋዓ ከኢታ ዳከኔ።
- 10 ጾኦሲ ዒማና ኔኔዌ ዓሳ ማዳ ባኮና ፑርቶ ማዶሞ ዔያታ ሃሼሢ ዛጌኔ፤ ዬያሮ ዔያቶ ዒዚ ሚጨንቲ ዔያቶይዳ ዓጋኒ ማሌ ሜታሢ ዓጉሞያ ሃሼኔ።

3:5 ማቲ. 12:41፤ ሉቃ. 11:32።

4

ጾኑ ሕይወት ማረጋገጥ ዮናአሴ ደጋጅ ዳጎ

1 ዮናአሴ ዬይ ባካ ዋዛሲባአሂር ዒዚ ደጋጅኔ፤

2 ዒዚ ዒማና፡- «ናገረና ናገጋ ጎዳሂዮ! ኔኔኒ ሃያ ማዳንዳሂ ሃገ ሶ ታ ዓጫ ዓኣፆ ታ ኔኤም ከኤዚባይ? ኔ ቤርታፓ ቲርሴሴ ካታም ታኣኒ ቤቲ ዓኣዳኒ ማሌሂ ዬያርኬ፤ ኔኔኒ፡- ኮሺ፡ ዳቤ ዓሲም ዓቶንጎጋዓያ፡ ገቢ ዳንዳዓያና ማኣሪፃኣ ኔኤኮ ሚርጌ፡ ናገረና ናገጋ ናሹም ዓኣያ፡ ዳጎ ኔኤኮ ሃሺ ቲኢራ ጾኑ ሕይወት ማዳሂ ታ ዔራያኬ።

3 ናገረና ናገጋ ጎዳሂዮ! ሃዳራ ሃሂ ታና ዋዎዳ፤ ታኣኒ ናገጋሰካፓ ሃይቃቲ ኮሺኬ» ጌይ ሸኢቄኔ።

4 ናገረና ናገጋ ጎዳ ዒዛም ማሃ፡- «ሃያይዲ ኔኤኮ ደጋዲፃ ኮይሳያዳ?» ጌዔኔ።

5 ዮናአሴ ዒማና ካታሚሎ ሃሺ ከሰከ ዓባ ከሰካ ባንያይዳ ወልሻ ወልሽ ዳማ ዳዔኔ፤ ዒዚ ዒኢካ ዳዒ ካታሚሎይዳ ዓይጌ ማዲንታቲያ ዛጋኒ ካፓኔ።

6 ሸቢ ዳንቁ ዓቦ ጾይዳፓ ዒዚ ዓታንዳጉዲ ናገረና ናገጋ ጎዳ ማዔ ጾኣዛሂ ፔቲ ጉሲ ባቃልሲ ዮናአሴኮ ወልሻ ዑፆ ባልገሺ ዳኬኔ፤ ዬና ጉዞ ዒላዝፎላ ሸቤሂር ዮናአሴ ሚርጌና ዋዛዳኔ።

7 ጋዓንቲ ዘር ጉቲሎ ጾኑ ፔቲ ቁኢራማር ዳኬም ዬና ዛኣሌላ ጉዜሎ ቲቄኔ፤ ዬያር ጉዜላ ሃይቄኔ።

8 ዓባ ጾርቃዛ ጾኑሲ ዓባ ከሰካ ባንፃፓ ጾይዲ ዠባሪ ዠባርሺሴኔ፤ ዬይ ዓቦ ጾይዳ ዮናአሴኮ ቶኦኮ ሚቹሂር ዮናአሴ ዶሊንቲኔ፤ ዬካፓ ዒዚ ሃይቤ ዓፃዳ፡- «ታኣኒ ናገጋሰካፓ ሃይቃቲ ኮሺኬ!» ጌዔኔ።

9 ጾኑሲ ዒዛ ኮይላ፡- «ሃና ጉዜሎ ዛሎ ኔኔኒ ደጋዳንዳያ ኮይሳ?» ጌዔኔ። ዮናአሴ ማሃ፡- «ጎኔና ታኣኒ ደጋዳንዳያ ኮይሳኔ፤ ጉሪ ደጋ ሌሊቱዋንቲ ሃይቃንዳያ ሄላንዳኣና ደጋዳንዳያ ኮይሳኔ!» ጌዔኔ።

10 ዬካፓ ሃሃ ናገረና ናገጋ ጎዳ ዒዛ ኮይላ፡- «ፔቲ ከሊዳ ባቃሊ፡ ገንሃ ፔቲ ከሊና ሃይቄ፡ ጉዜሎ ዛሎ ኔኔኒ ጾያኔ፤ ኔኔኒ ዒዞ ዱኡቁ ባቃልሳኒ ላቤ ባኣዚ ዓኣ?»

11 ሕይወት ካታማ ፑርቶንታ ኮፑንታ ዲማሲ ዔራዋ ፔቲ ፃኤታና ለማታሚ ሺያፓ ዑሃ ዓኣዳ ዳሬ ናገጋ ካታማኬ፤ ዬያ ሌሊቱዋንቲ ሚርጌ ቆልሞዋ ዒኢካ ዓኣኔ፤ ዓካሪ፡- ታኣኒ ዬና ዳኤፖ ካታሚሎ ሚጨጎንታንዳያ ኮይሱዋዓዳ?» ጌዔኔ።

4:2 ከሲ. ማፃ 34:6። 4:3 1ካኣ. ማ 19:4።

ጌሌዢ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዢ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929